

## BAKURUBASANNI


(closes 12 hours)

Mali kono = Dorème 300

Afriki kono = Dorème 600

Jamana were = Dorème 1000

Nowanburukalo san 2000



Kunnafoniseben bota kalo o kalo. BP: 24 Telefoni : 21-21-04. Bozola Bamako-Mali. San 28nan boko 346nan A songo : dorème 15

# Maraseginso sabatili kumaw fôra Segu

A kolosira kosa in na ko jamana ka baara kologirinba, maraseginso konew be ka teliya kosebe. Maraseginso sabatili baara caman jutigera goferenaman fe, i n'a fo : maraw labaarali ciyakédaw, n'olu ye «origaniw» ye, ani marajemogow ni maraw ka mogosugandilenw, ani maraw ka ciyakelaw kalanni u ka baara ketaw la.

Goferenaman b'a fe ka sabatili konew lateliya ni baaraw lateméni ye maraw ma, walasa baaraw ka fangaba soro. O siratige la, sefawari miliyari fila ani miliyon keme fila min bilala maraw ka bolo kan san 1999 nafolokow dantigewati la, walasa mara kuraw ka baaraw damine, an'o sefawari hake kelen in dili mara kuraw ma, n'olu ye kominiw ye, walasa u k'u ka baara nafamabaw ke, o wale in b'a jira ko goferenaman m'a to to mara kuraw demeni na. Ka fara nin walew kan, goferenaman ye feeré werew siri ciyaké dako ni sariyako hukumu kono, walasa ka maraseginso sabati jamana kono, sanko nemogoyako siratige la. Maraw ka warisoroda do dayeleli b'o feerew la, n'o be wele ko «ANCT», n'a dabora wari lateméni kama maraw ma, u ka baaraw ke n'a ye. A têna meen tugun, «Waribon» in bëna baaraw damine; maraw ka waribaaradaw mana porozefen oenlabenniyiriwali hakilinaw ye, waribon in be wari di k'o porozew b'u sira fe.

Halibi o hakilina kelen, min ye maraseginso sabatili ye, o kera sababu ye jamanalamininimarawkonewminisiri Usumani SI ka wele bila jamana marajemogow ni serikiliw ka konseyew ma, u n'u ka nogonye do ke Segu dugu kono alamisadon, nowanburukalo tile 9, san 2000. Nogonkunben in nemogoya tun be minisirijemogó Mande SIDIBE bolo, n'ale ye jamanaw kalalijogoma minisiri, ni nansaraw k'a ma «entegarason». A kera sababu ye wale kelenw jate ka don maraseginso baaraw

CONTRE : MINISTÈRE DE L'ADMINISTRATION TERRITORIALE  
DES COLLECTIVITÉS LOCALES AVEC LES PRÉSIDENTS DES  
MUNICIPALITÉS RÉGIONALES ET CONSEILS DE CIRCONSCRIPTION DU MALI  
SEGOU : 9 - 10 - 11 NOVEMBRE 2000



la, ani ka dontaw falen-falen walasa ka maraseginso sabati ka t'a fe.

O la, k'a t'a damine na ka se bi ma, marajemogow ye baara minnu ke, olu da ser'olu ma; goferenaman fana joyoré yé min ye maraseginso waleyali la, o fana dantigera. Nin b'a jira ko maraw kkuntigiw ni serikiliw konseyew ka kan k'a don, k'afaamu ko pariti camankotile in na, n'o ye demokarasi taabolo ye, o walew te se ka sabatifoka na se maraw ma, faso yiriwali baaraw la. Marajemogow ni serikiliw konseyew yamaruyalen don kow nemogoye la, ka ben n'u ka maradenw sago ye.

Nka, minisirijemogó Mande SIDIBE bor'a kalama kosa in na, a ka taama do senfe ko marajemogó caman sigilen don k'u bolow d'u senw kan ko goferenaman deka kanka maraseginso baaraw bee ke. O ye wale ye min ni maraseginso hakilina ka jan nogon na i ko jégejalon ni baji. O wale te togodaw ni mara yiriwakan ye.

Tine don, goferenaman wajibiyalen be k'aka baara ketaw ke togodawni maraw kono; nka min te wuli fewu, o ye ko maraw ka mogosugandilenw ka kan k'u nesin uniyorobaarawma, in'afokominiw nemayali, ani wusuruw mineli n'u nogonna baaraw sigidaw la.

Maraseginso te se ka sabati fo bee kelen-kelen k'a ka baara don k'a ke ka ne.

Min ye goferenaman ta fan ye, minisirijemogó Mande SIDIBE y'a nini goferenaman k' a lasigidew

fe, u ni marajemogow ce baara jogonya siratigela, u'usinsinkalannilaadilikanw kan kosebe.

Nogonye in kera sababu ye Mande SIDIBE ka wele bila bee lajelen ma, u ka wuli k'u jo, walasa nogondan minnu bëna ke dogokun nataw kono, ani san 2002 kalafiliw ka se ka bën ni sababa ye, ka faso kunnawolo, sabu an be don min na i ko bi, nin walew ye jamanaden bee lajelen haminankoba ye. Wale min nana poyi nogonye in kono, n'o ye mogow fari faga doonin, o ye san 2000 senekow lahalaya ye. Wulada kelen bee ker'o kumaw la; a sabatira o senfe ko san 2000 - 2001 sannifeere «kanpanji» balodeseta be se toni 147.270 ma. O kofe, jigiw dalen don balo min kan, n'o kerenkerennen don ka balontanya kunben, n'o be ben toni 315 000 ma, k'o fana têna boli ke k'a sababu ke desé ye an lamini jamanaw kono. Nka togodaw yiriwali minisiri Eli Madani JALO y'a jira k'o jigiw bee ma tige.

Min ye kooriko ye, ajirala ko goferenaman be k'a ka saratikanw dafa a ni senekelaw ni semudete ce bënkansében hukumu kono. Nogonyekelaw kumana lakanani konew fana kan.

Solomani Dunbiya  
Badama DUKURE

## Goferenaman ka deme ka nesin koorisenelaw ma

Ntendendowulada fe, nowanburukalo tile 6, san 2000, togodaw yiriwali minisiri Amedi Eli Madani Jalo ye wele bila balo ni koorikow lafasaliton ka mogo sugandilen ma, ani Mali tilebinyanfansenekelaw ka lafasaliton ciden, ani Kita serikili senekelaw ka lafasaliton ciden, ani semudete nemogoba Bakari Tarawele, ani jamana senekelukuba nemogo Seku Umaru Tali. U ye nogonyeba do sigi sen kan. Nogonye inkuntunye ka bee ladonniya ko goferenaman ye sefawari dorum fila fara koori kilo songo kan. Ola, koori suguya folo, min ka nin'a bee ye, o kilo kera sefawari bisaba ni naani ye; filanan kilo kera bisaba ye; sabanan kilo kera mugan ni wolonwula ye. Nin kojew labenni musakaw benna sefawari miliyari fila ni miliyon kemeduuru ma.

Nin nogonye kera sababu ye Eli Madani Jalo da ka se goferenaman ni semudete ni senekelaw ka benkansaben ma. O benkansaben in b'a jira ko goferenaman ye layidu ta k'a be sefawari miliyari fila ni miliyon tan ni fila sara koorisenelaw ye, sanji ye minnu ka forow tine salon; wari in be sara koori koloma san waati la. O temenen ko; k'a wajibiyara goferenaman kan, a ka sefawari miliyon 576 sara koorisenelaw ye, semudete ka juruw sarali dadigira minnu na, n'u ma se k'u halala wari soro, k'a sababu ke wari ntanya ye semedete ka kesu kono. O senekelaw kelen-kelen bee ka wari saral'a ye. Senekelaw ka tonw «A.V» minnu coronna juru fe, olu ka juruw sarali bolodara k'a ta san kelen na fo san duuru; nka ninan san t'a la. Goferenaman ka kan ka minenw san ka di koorisenelaw ma, minnu y'u ka senekeminewbee feere ka semudete ka juruw sara; o musaka be ben sefawari miliyari kelen ma. Sanjiko ye koori minnu tine, goferenaman k'a b'olu fana san, ani koori minnu lagosira, n'uma san suguya folosanda la. Omusakaw beben sefawari miliyon 269 ma.

Min ye koori sugyaw sugandili ye, a jirala k'o kojew bee bena ke koorisenelaw yere jolen nena. Senekelaw ka banki «BNDA» fana y'a jira ko minnun tun ye sefawari waa



Minisiri Amedi Eli Madani Jalo

duurusara ka «konti» dayel'uye banki in na, olu bee lajelen ka wariw be segin u ma.

O siratige kelen na, koorisenelaw tun ye wusuru» minnu sara, n'o wari be ben sefawari miliyon 9 ni baa bisegin ma, o wari fana be segin u ma, k'a sababu ke juruw tawaati, nin wari in tun ma nefs senekelaw ye, hali ni sariya b'a daga.

Minisiri y'a pereperelatige ko dorum fila min farala koori koloma kilo songo kan, ko senekelaw kan'a miiri k'o ye

tosegin y'u ma. A wari yere labennen don ka ban. A jateminenko ninan koori soro be ben toni 233.000 ma; salon ta kera toni 450.000 ye. U y'a jira k'u be ka senekelaw ni semudete ce warikow sabatili njenini.

Minisiri Eli Madani JAlo kelen ka kuma bila, koorisenelaw y'a jira k'u be goferenaman folayiduwtiimeli la; nka, do farali min kera koori koloma kilo songo kan, o ma k'olu nena. Olu tun y'a kanu koori kilo k'a ta sefawari dorum bisaba ni wolonwula la ka se binaani ma.

Okofe, uy'a jira k'u jigit u ka magenni wari la, min be deli ka bila kerefe ni senekelaw be magenn'a ye, tuma min na ni koori songo binna, i n'a fo goferenaman be k'u deme cogo min na bi. Minisiri ka jaabi ma senekelaw wasa, k'a sababu ke, o magenni wari mintun be mara ka se sefawari miliyari 15 ma, an be don min na i ko bi, dorum kelen t'u jigiya la yen.

Nka, a ninina semudete fe a ka kesu in jenemaya. Senekelaw b'a kalama ko semudete ka juruw be se sefawari miliyari 30 ma; ola, uy'a nini ko sanni san were ka se, labenw ka sabati walasa geleya kana don kooriko la jamana kono. O ko kelen in de ye goferenaman ka hamie bi bi in na.

Moriba Kulubali  
Badama Dukure

## Okutoburukalo sanjiko lahalaya

Sanjiko jateminenlaw y'a jira ko fine kologirin bee lajelen taara basigi farafinna korenfela la; o kera sababu ye ka sanfine ce ka b'an ka jamana kunna.

Jamana sanjiko dogoyara kosebe, fo'n'a kera Kayi ye. Kaye ye sanji milimetere 127 soro okutoburukalo tile 14, san 2000.

Min ye sanjiko taabolow ye jamana kono ninan, a kolosira ko kalow sanjiw cayara fo ka damteme Tesaliti, Kidali, Gavo, Noro, Kayi, Ntarila, Sotuba, Mahina, Buguni ani Kenjeba. Sanjikodese kera fan tow la.

Ninan okutoburukalo sanjiw dogoyara nin salon taw ye, n'a bora Tesaliti, Gavo, Honbori, Noro, Kayi, Ntarila, ani Keneba la.

N'i ye sanjiw bee lajelen fara nogon kan, k'a damine mekalo la, ka n'a bila okutoburukalo la, san 2000, jateminenlaw y'a jira k'u dogoyara ni san 1999 waati kelen in sanjiw ye, fo'n'a kera Kayi, San ani Kenjeba ye. Hali sanji be deli ka na hake la cogo min na, ninan ta m'o hake koro soro jamana kono, fo'n'a kera Tonbukutu Kidali, Menaka, Moti, Kayi, Segu, Buguni ani Kenjeba ye.

Okutoburukalo la, sanjidese kera sababu ye ka sumanw ja yoro caman na. O yoro suman soroaw be dogoya kosebe ninan.

K'a ta nowanburukalo tile folo la ka s'a tile tan ma, san 2000, fine be ci ka gongon wuli jamana korenfela la, an'a sahelyanfan. A be se ka ke, waati ni waati, fine ka juguya kosebe yoro daw la. Funteni be dogoya, ka sanjiko ban pewu.

# Mangoro togoladon kerenkerennen

Arabadon, nowanburukalo tile fōlō san 2000, togodalafēn w labaarayorō la, n'o ye «CAE» ye, mangoroforotigiw ni mangoro jagobatigiw ye. Nogon sōrōkēne kelen kan, walasa ka nēnīni ke Mali ka mangoro labota cayaliko la ka taa nansarala. Nogonye in kera ni «CAE» ni mangorojago nēdōnbaajanaw ka dēmē ye Mangoro jagoli siratige la, nansarajamana minnu b'a san, olu be minfōk'a geleya kosebē, oye mangoro boyorōko ye. Nañsara minnu be mangoro san k'a dun, olu b'a fē ka ben ni mangoro numan ye; Jagobatigi minnu be mangoro san ka don n'a ye nansarala, olu b'a fē ka mangoro bōfan dōn. Kōfō minnu binna nogonyekēne kan, olutun be tali ke mangoroforotigiw ni jagobatigiw ka geleyaw la, ani «CAE» cidenw ka sebenba minlabenna, n'a be mangoroko nēnīni kōfō nansarajamanaw kōnō, i n'a fo Faransi, Angeletsri, Alimani, k'ni Holandi. Ka fara mangoro bōfan kan, jagobatigiw b'a fē ka mangoro maracogo dōn, k'a t'a karili la fōka t'a bil'a feereyorōbaw la. Laben minnu be ke walasa mangoro kana tijē, an'a lasecogo feereyorōw la, u b'a fē ka nin bē de sidōn fōlō sann'u ka jen ni mangoro sanni ye. Sebenba in y'a jira konansaralatōba, n'oye «Iniyon eropeyenī» ye, o b'a fē mangoro ka segesegē kosebē, ka labencogo sabatili sidōn mangoro forotigiw fē, sann'a ka don nansarala.

Mangoro bōfanko temenēn kōfō, Mali mangoro jagobatigiw ka kan k'u janto mangoro ninita cayali la, ka sababu ke minnu delilēn don mangoro min na, olu b'o de san kosebē, ani mangoro laboli labencogo numan, ani mangoro sanbagaw ka ninita kerenkerennēn (nē ni mangoro cogoya), sanko mangoro sōngōbinnisabua cayara fan bēfē i ko dunfentōw. Okōfē danfaraba te batokonōmangoro ni pankurunkohōmangoroce; wa geleyaba be mangoro boyorō ni nogon ce, ka fara kunnafonisōrōliteliya kan mangoro donnēn kan Farajela.

Nin geleyaw n'u ta bē, Mali mangoro man ka di kosebē nansarajamanaw kan; mangoro sōrōta fana ka ca kosebē Mali la; a be se tōni 200.000 ma san kōnō; n'i ye farafinjamanaw bē ka

mangoro sōrōta kēmesarada, Malikelen b'a jō ni 9 ye. Katibugu togodaw sōrōkō lakoli «IER» ye mangoro suguya 80 de jate. «Ameli kēnti», «Kēlti», «Walensiya» ani Simiti ni te 80 ninnu na. Ninnu ye mangoro labotaw ye jamana kōkan, mēkalo ni zulyekalo furance la. Malib'a fē k'a nēsin mangoro girifelen minnu ma, olu ye «iriwēn», «kēnti» ani «kēlti» ye. Olu nininen don dijē seleke naani mangoro feereyorōbaw la. Nka o te taa bolifēn w kō minnu be taa mangoro ta forotigi mankanwyorōtogodawla, ani mangoro yere latomoli, a marayorōw la. «CAE» ka cidenw y'u sinsin fēn fila kan mangoro suguya kelen boyorō kofōli k'a kanu don mogow la, ani jagobatigiw ka sariyaw labatoli. «CAE» nēmaa y'a jira ko yiriwali sabatili y'olu haminanko ye, i n'a fo Amerikēn w ka dēmeliton «USAID» y'a jira cogo min na. A da sera mangoro sankorōtali ma dijē seleke naani na, ani nafolo caman min dira «IER» ma walasa ka mangoroko nēnīni kosebē, ani mangoro laboliko jamana kōkan ni Mali jiridenkō labenyōrō. «Fruitema» ka dēmē ye. Mangoroforotigiw ni jagobatigiw ka baaraw wolola feere minnu na, olu be

tali ke mangoroko labencogo numan na, animangorolabaarabagaw kālānni, ani sirakow ni minēnkōw ni mangoro labenyōrōkōw, ka fara kunnafonikōw ni mangoroko nēnīni kan. U y'a kanu ka mangorotigiw sen don mangoroko labēn w na, sanko mangoro karicogo n'a maracogo fanfela la. O la, mangoroforow hake ka kan ka dōn, ka mangoro suguyaw lakodon, ani ka mangoro suguya kelen-kelen bē boyorō dōn, k'u tōmo kabini karili waati, fōka se sugu la. U da sera mangoroko baarakēlaw ka jekabaara ma, kabini forow kōnō fo ka se feereyorōw la. U y'a nini fana dōka fara mangoro maracogo numan kan, an'a saradacogo numan suguw la.

Forotigiw ni jagobatigiw y'a jira ko dōgōkun o dōgōkun, kunnafoniw ka kan ka dimangoro sōrōtaw kan; koforotigiw, «CAE» nēmōgōw, ani mangoro labēnbagaw ka kan ka kalan u ka baaraw la. Walasa wari labaarata bē se kacaya k'a k'u sago ye, mangoroko siratige la, u y'a jīnī ko «CAE» k'u dēmē ni wari ye lasagolanko la, ani mangoro labenyōrō do joli Buguni, ani kōka sēnekēlaw ka jekuluba jagobatigi kelen-kelen bē dēmē ka mangoro labenyōrō do jo u ka yōrō la.

**Yusufu Dunbiya  
Badama Dukure**

## Kōngō b'a fē ka don Nara kōnō

An bē don min na i ko bi, balo min be Nara bolo, «o te tēmē kalo 6 ni tilan kan». Nin yekumayemē min be narakaw siran, n'a ka kan k'u lasōmi fana. Kuma in fōra sigidaw yiriwali minisii Amēdi Eli Madani JALO fē, a ka san 2000 - 2001 sannifeere kojew nēfōli senfē, Nara dugu kōnō. Minisiri Eli Madani JALO tun taara Nara, ka t'a nēda baloko sabatili jekuluwka poroze ka baarakēlen w kan Nara mara la; Alimani ka lasigiden Karili PIRINSI tun be kēnē kan. Goferenamaka lasigiden Nara mara kunna, Seku Ba y'a jira komin be balo hake sōrōta dajē, o be se tōni 20.000, i n'a fo sannifeere dantigeli y'a jira cogo min na ɔkutoburukalo la, san 2000. Nara mara ka balo dunta hake be se tōni 46.000 ma; dō be se ka yelēn o kan. Ka sōrō, lasigiden Seku

Ba ka fō la, balo hake min sōrōla ninan, o te tēmē tōni 25.000 kan. Nin wale in sababu bōra sanjintanya de la. Ka kōrō, sanji hake min be Nara mara sumanw nē, o ye milimetērē 531,4 ma; nka ninan sanji hake min nana, o te tēmē milimetērē 440 kan. Yōrō dōw la keninge jara ka sōr'a ma wolo, walima sann'a ka kōgō. O kōfē fenjenama minnu be nō tijē, i n'a fo ntōnw n'u nogonnaw ani nōdunkōnōw ye tijēni ke kosebē.

Baganmaralaw fana jōrōlenba don sanjintanya fē, ji bē basigi fala minnu kōnō fōka se awirilikalo ma ni baganw be min yen, ka nakosēnew kē yen ani gadonmusow ka baaramisēnw, o falaw jara ka ban. Bagankulu dōw taara tilemakeyōrō la ka ban.

*Le 3 nan to*

Goferenaman ka lasigiden ka fo la, kabini sisian feerew ka kan ka siri ka balomarayorow laben, k'u fa balo la anika duguw ka jikow n'enabo, walasa dugumogow ka se ka basigi u ka sigidaw la.

Minisiri Eli Madani JALO y'a jira k'ale ni lasigiden ka feerew bee ye kelen ye, sabu ni balo marali daminena sisian, o be ke sababu ye ka kongo kunben. Balomara be ke cogoya min na, o file : Tuman min na ni balo be ladon sow kono, ob'a sorobalo be sorogoya la, sabu a be fan bee fe; o waati la dugumogow be wari min demelijekulu la ka balo san k'a mara. Tuma min na baloko be geleya, i n'a fowaati min suman korbanna, kuraw ma se, balo be labo marayorow la, k'a feere dugumogow da la, min t'u tooro. Minisiri Eli Madani JALO y'a jira ko dugumogow k'u jija, naniya numanya la, ka demelitow deme ka balocaman sank'a mara. Ako hadamaden man'a ni da fen o fen kan, a ka c'a la Ala b'i dem'o la. Ko faantanya man kan ka ke sababu ye ka mogo si fari faga sinjiesigi baaraw la.

O siratigela, baloko sabatili jekuluw ka poroz min be Nara, ni Alimanjamana ka demeli bolododon, sabu ALimanji be wari d'u ma, n'o be wele ko «PISA», o be ka narakaw deme ka balo san, ka kongo-kunben. An be don min na i ko bi, Alimanji ka deme kera sababuye ka balomarayorow 17 fa balo la ka bila. Alimanji yere ka demelitokerenken min be Nara mara kono, n'o ye «LAO» ye, o ye balomarayorow 20 laben ka ban; fo olu la, 17 labaarali daminena.

Minisiri y'a jira ko ka fara nin baara kelenwkan, goferenaman bena deme kerenkeren ke ka nesin yorow ma, minnu ka balontanya juguyara kosebe, ni «SAPC» y'o sabati. «SAPC» yeciyakeda ye min ka baara nesinnen don wele bilali ma ka taa faamaw ma, u ka yorow magen a waati la, yorow minnu ka baloko geleya be se ka kasaara lase dugumogow ma. Nin kunnafonibora «Jamana» ka kunnafoniseben «EKO» kono.

B. TURE  
Badama DUKURE

## Moti san 2000-2001 sannifeere lahalaya

Bedari Jankunba be se ka ta, ka k'an ka jamana senekelaw ka misali ye, senekela minnu be sorotogoda kelen kelen bee la. A sigilen don Misira cikebuguda la, Dagawonina dugu kerefe; o ni Seware ce ye kilometere 24 ye. Muso fila b'a kun; den kono b'abolo. Senekeminen were te Bedari bolo saridaba kelen ni cikemisi kelen ko. Bagan were te mara la a bolo, sisemankannin duuru ko. Ka fara muso fila ninnu kan, den duuru b'a deme sena na.

Bedari delila ciyafin na, k'a ka hadamadenya lateme ni nogoya ye, ka ben a yere cogoya ma; nk'o n'a ta bee, a b'a don ko ninan balodese ben'a degun kosebe, balodese min kun bora ka ban fo k'a sabati yorodow yere la Moti mara kono.

Ninan sanjikodese kera sababu ye Bedari ka balo sorolen bee lajelen ka ben notinsan damado ma, a be k'a minnu bil'a ka siso sanfe, n'o ye bogoso ye. O no gosilen n'a suurulen te teme bore fila kan. Bedari n'a ka denbaya kamanagannen sigilen be ka kongo natu kono ninan. Misira, balo kologirin ye no ye; musow be jago misennin minnu fana ke kerefe, o sorokun ka dogodu musakaw la. O jago misenninw fana tena sabati ninan k'a sababu ke geleya be dugumogo bee lajelen kan.

Dagawonina dugu kono, i n'a fo yoro caman na Moti mara kono sanjidese digira senefen na kosebe, sanko senefen minnu sirilen don sanji nacogo la; foro caman yecogo be mogo jigi misanya; tile ye caman ja sanni u ka kogo, fo senekela dow jigitigelen ye forow labila baganw ye, olu k'u dun.

Sanjidese kera sababu ye ka Moti mara sannifeere ke jorenanko ye. Sumankodese kun be motikaw kan ninan. Hali baganw b'u niyoro sorogeleya in na. Hadamadenw y'u ka sigidaw bilali damine, ka gere dugubaw la. K'a sababu ke Ala ni jintanya ye, utena se ka nakosene ke k'u bolomadem. Moti togodaw yiriwali ciyakeda bolofara min

nesinnen don senekow jateminenima, o nemog Mande Jakite y'a jira ko okutoburukalo tile tan waati la, Moti, serikili segin na, sanjidese digira serikili wooco de la kosebe. A ko Yuwaru ni Tenenku balodese be juguya kosebe. Balodese in be se Bankasi, Koro, Moti, Banjagara, Jene ani Duwansa serikiliw ma. Ajrala ko Banjagara ka balodese ye korelenko ye.

Kabini san 2000, setanburukalo tile 20, jateminenaw ye taari tinetaw jate bo : Balofenw taari 321 827 la, ko taari 57.681 be tine; o ye no ta ye. Gajaba taari 46.141 la, ko taari 9.244 be tine. Kaba taari 2221 la, ko taari 675 be tine. Min ye maloforo taari 135080 ye, ji be don minnu koro a yere ma, k'o taari 4.220 be tine. Min ye maloforo taari 18.037 ye, pon be dayele ka ji don minnu koro, ko taari 7.814 be tine olu la. Malo min be senet badingew kono, o be ben taari 5870 ma; nka taari 1.785 be tine badin, maloforow la.

Asabatira ko taari tineteta be caya ka ta fe sabu baji ma bonja, wa ntow fana dadigira malo la, sanko Dinayuru ni Jankabu maloseneyorow la, Koro serikili la ani Kinje maloseneyoro la, Banjagara serikili la.

Nka, Mande Jakite ka fo la, an be don min na, i ko bi, balo be sorogu la, hali n'a songo ka ca, sabu salon balo sorolen ma ban folo.

A jirala ko Name, Nizeri faaba ka baloko ni jiko jatemineyoro «Agirimeti» ka jatew nisababa benna. Santiri in tun ye seben do bo k'a fo ko balodese be ke «CILSS» jamana kono kono ninan k'a sababu ke sanjikodese ye sahelijanfan na. «CILSS» ye jekulu ye min nesinnen don ja keleri ma sahelijamanaw kono. Faamaw ma laadilikan in ke bolokofefen ye sabu u ni dije seleke naanibaloko sabatiliciyakeda «PAM» nemogow ye nogenye do ke. «PAM» ye layidu ta k'a bena balo deseta jatemine, k'aka deme lase Malitonkun naani bee lajelen ma, sabu balodese bena ke jamana fan bee fe.

Moriba Kulubali  
Badama Dukure

# Sikaso Baganko jagobatigiw ye Kōdirwari bila

Mali baganko ni sogoko nedonbaajekuluwka tonba, ani Sikaso bagankow jagobatigiw n'a koperatiuw, an'a tonw ye baganw laboli boloda ka taa Kōdiwari jamana na, kabini san 2000 nowanburukalo tile 2, n'o benna alamisadon ma. Uni Moti ani Segu bagankow nedonbaajekuluw jemakan don.

Nin wale in sababu bora lagosili ni binkanniw na, minnu be ka ta ka nesin Mali ka bagankon nedonbagaw ma kodiwarijamana kan. Kōdiwari sugu konni bolodara okutoburukalo tile 30, san 2000, nōgonye do senfe min nemogoya tun be Mali bagankon ni sogoko nedonbaajekuluw ka tonba «FEBEUM» nemogo Alifonsi bolo, n'a be wele ko Mohamedi Lamini.

Sikaso baganko koperatuw n'a ton misenniw ka jekuluba sebenkow nenabobaga, Musa Sumutera ka fo la, nin wale in kera walasa Kōdiwari faamaw n'u yere tonogon minnu be yen, ukaseka sariyaw labato, jamana fila jera ka minnu sigi banganko siratige la.

Ale ka fo la, Kōdiwari kelen te; wale kelen in be ta ka nesin Burukina ni Nizerima. Anka baganko jagobatigiw degunnen don nin jamana fila faña na. Jamana fila ninnu baganko nedonbagaw be ka nōgon faamu a ko la, wa feerew be ka siri ka taayorōnini Mali baganw na, min te jamana, kofolenw ye. O siratige la, Mali ka ciden dōw taara Gana, ka t'olu kumajogonya; olu y'a jira k'u jenna ni Mali baganw ladonni y'u fe yen. Nka, o kojew te se ka sabati fo jamana fila nemaaw k'u bolonobila benkansében dōw la.

Sikaso bagansugu (garabali) nemogo folo Bela Amadu SO da sera lagosiliw ni binkanniw ma, minnu talen don k'an ka baganko jagobatigiw segeré Kōdiwari, sanko Pogo dugu kono, Kōdiwarijamana kan, segesegeliw be damine yoro folo min na. Segesegelikela camande be yen; kulu



saba don, selawayibaa saba wallia baa naanibe d'u kelen-kelen bee ma. K'a soro Kōdiwari faamaw yere de y'a wajibiya ko baganw ka taa «kamiyon» fe. O yoro kelen in na, baganw latemeliton do be yen min be sefawari baa tan ni naani minne kamiyon kelen tonkoro. N'i t'a nedon, i b'a fo k'o ye «wusuruw» bee lajelen saralen ye, k'i te dōrōme sara tugun fo ka t'i se i seyoro ja. O t'a bannen ye ! Jagobatigiw belaban ka sefawariwa naani sara keneya tigilamogow ye. O si te jate diyagoya takisiw fe, i be minnu sara fu, ka soro seben (eresi)

ta la. Bela Amadu SO y'a jira ku mogo min banna ka nin warisara, u b'i ka warisara bos'i la; n'Ala ma far'i kan, u b'i lajaba. Bela Amadu SO ko sira ma tige pewu. Nin be ke sababu ye ka Sikaso sugu yiriwa kosebe. N'o kera Kōdiwari bagan baaralaw bena baganw san Sikaso.

Mali bagankow nedonbagaw ka miiri ye ko nin wale in bena ke sababu ye jamana fila, Mali ni Kōdiwari faamaw ka nōgon faamu ka fura jōnjōn soro ko in na.

Fuseni Jabate  
Badama Dukure

## Baganw laboli kera jōrenanko ye Mali ni Burukinakaw bolo

Nowanburukalo in damine na, Wagadugu kugu kono, Burukina Faso jamana kan, Malika bagankoni sogoko nedonbagakuluw ka tonba, «FEBEVIM» ni Burukina Faso ka baganko tonw n'a feerebagaw ka jekuluba «UNACEB» ye nōgonye do ke. Nōgonkunben in dabora geleyaw jirala kama nōgon na, geleya minnu be baganw laboli la nin waati in na ka taa Kōdiwarijamana kan.

A jirala tonsigi in senfe ko Kōdiwari sisani, soro dasiwi, polisiw ani duwaniyew ka degun be se baganjagolaw ma kosebe, minnu be bo ni baganw ye Mali, Nizeri ani Burukina, k'u kunda Kōdiwarijamana kan. Otēmenen kofe, itaato n'i natobee lajelen na, warite sara k'a ban, halikun

t'a dōw la, kuma te «eresi» ma. Bugoliw bee b'a kola. Okoson, Malini Burukina jekuluba fila jera k'u kanbila farafina tilebinyanfan soro kow tonba «CEDEAO» ni farafinna tilebinyanfan warikow tonba «UEMOA» ma, anitona min nesinnen don jakeleli ma sahelijamanaw kono, n'o ye «CILSS» ye, uka wulikajo ke, walasa wale ninnu ka se ka dabila, sabu u be dankari ke jamanaw ni nōgon ce sirataamaw la soro ani hadamadenya sabatili siratige la. U ye nōgonye were boloda, u ni Nizeri bagankow nenabobagaw bena jeka min ke, walasa ka wale jugu ninnu laje kokura, an'uka kan k'a feere minnu siri, walasa baganjagolaw be se ka kisi cogo min na Kōdiwari jamana kan.

Badama Dukure

## Nininkali

«Kibaru» ka laseli do bë ke fulakan na; nka ne ma deli ka fulakan, walima kan wëre sëbenen ye «Kibaru» sëben kono. O tuma, «Kibaru» sëben kelen in de bë bayéléma fulakan na k'o fo arajo la, walima cogoya jumen don ?

**Basumana Tarawele  
Demenba Namina**

### Jaabi :

Kibaru nemogoyaso bë Basumana Tarawele ladonniya k'a bë fulakan min lamé arajo la, kibaru ka laseli hukumu kono, ko «Kibaru» sëben bayélémalen te fulakan na. «Kibaru» sëben bë bo bamanankan na cogo min na, a bë bo fulakan na o cogo kelen na kalo o kalo. Sëben min bë bo fulakan na, o togo ye ko «Kabaaru». Fulakan na, o koroye ko kunnafoni. A boli daminena san 1983, marisikalo tile 10. Ale dabora Moti n'a lamini fulakamenaw fôlôkama, ani jamana fulakanmennaw bëe lajelen. A nemogoyaso bë Moti dugu kono; sëbenniw bë ke yen, nka sëben yere bë dilan nemogoyasoba la yan, Bamako. «Kabaaru» ka lasigiden bë yan; o togo ye ko Beliko Musa Bari. O de bë kuma fulakan na «Kabaaru kan».

Kunnafonisëben wëre bë yen min bë bo maraka kan na; o boli daminena san 1989, marisikalo tile 10. Ale dabora Kayi n'a lamini marakakanmennaw kama, ani jamana marakakanmennaw. O ye «Xibaare» ye.

Ni Basumana Tarawele bë fulakan men, k'a b'a fe ka fulakan kunnafonisëben in soro, n'o ye «Kabaaru» ye, a bë se k'o nefo Mali kanw kunnafonisëbenw nemogoyaso ye.

## Samiye ma diya ninan

Samiye damine n'a laban gelyara anw fe yan, Namina ni Demenba n'u lamini na. Yoro caman bë yen sho ni tiga têna soro yen ninan.

**Basumana Tarawele  
Animateri Demenba Namina**

## Mali ntolatanko y'anw kamanagan

Ne bë nininkali min ke jamana ntolatanko nemogow la, o file : Ni Mali ntolatanko tora tan, ntolatanba min bë ke yan san 2002, anw na taa ne o la wa ? N'i y'a ye ne bë nin fo, ntolatanko kelen bë ka senekelaw mago sa bi. N'a fôra ko Malini jamana wëre bëntolatanna, baara wëre t'anw na tugun jabaranin fileli ni arajo lamenni kô. Nka, nin san fila in kono, Mali ntolatan te ka mogow wasa. Ntolatannaw no don wa, walima u degebagaw de no don ?

**Zan Kulubali n'a bë wele ko  
Siyaka - Ceserebugu - Negela**

## Tulonke b'a to mogow hine bë don jogon na

Kabini Mali y'a yere ta san 1960, san o san y e r e t a s e l i n e n a j e w t u n b e k e . Nka, a nana ye kabini fanga fôlô kono, ka na se cemance fanga ma, ka na se fanga sabaran ma, sanyelmaseli tun dabilara. Ninan, an ka yere sanyelmaseli kera. Adiyara kosebe; a kera here ye jamana ma, sabu sanyelmaseli dabilalini sisan ce, a bë san wolonwula bo; den minnu wolola o waati kono, olu kera mogow ye bi.

Ola, an b'a nini jamana nemogow fe, u kana sanyelmaseli dabilalini sisan ce, a b'a to fana denmisenniw k'a don k'an ka jamana te jamana lankolon ye. Abë dusu don denmisew kono, wa a bë ke sababu ye u ka jogon don. Ni fen ma jira denmisew na, i n'a fo, u ka kan ka taa bolo min kan, u t'o don. N'i y'a jatemine, kabini tulonke niñnu dabilala jamana kono, jamana ma se ka basigi. Tulonke b'a to mogow bë gëre jogon na, ka jogon don, k'u hine don jogon na.

**Yaya Mariko  
Kalabankoro Bamako**

## An ni cew jëra ka yere gintanw ke ninan

Ninan, an ka samiye taacogo ka ni ka temesalontakan, sabusalon, forocaman ma se ka baara ji fe. Salon, sanji tun bëtile ka na, ka si ka na; o ma ke ninan, fo zulyekalo kono, sanji ye tile kelen ke ka na. Kabin'otemena, a m'o jogon wëre ke tugun.

Ala barika la, an sera ka forow sene ninan; wa senefenw cogo ka ni kosebe. An ka cew cesirilen don baara fe cogo min na, anw musow fana cesirilen don baara fe o cogo kelen na. Ninan, an ni cew jëra ka jamana ka yere sanyelmaseli nénajew ke jogonfe, an ka komini na, n'o ye Falaje-Negela ye; a diyara kosebe.

**Konba Jara Musokuntigi  
Sananko-Negela**

## Poyi : N b'a sëben

N b'a sëben fo ka sëbennikébaliw n'ebô n fe.

N'b'a sëben fo ka sëbennikélaw nimisi wasa.

N'b'a sëben, ka kelenw sëben ka fotaw sëben.

Ka tijé sëben ka jorenankow yere sëben

Ka taarikuw sëben, ka numanyaw sëben.

Min ka kan ka ke n b'o sëben, halin'a kebaaw ma son k'a ke.

N b'a sëben k'a bila sini denw ne.

N hakili sinsinnan ye sëbenni de ye.

Sè te minnu ye n b'olu hamiw n'u naniyaw sëben.

Fôda te minnu bolo n b'e ke olu dabara ye sëbenni na.

Nemogó min mana kebali ke n b'o sëben.

N y'a ye, n y'a sëben.

I y'a fo, n y'a sëben.

Dalafo ye tununfen ye nka sëbenni no te tunun fo ni y'alawuli a kama.

**Burama SIDIBÉ Sirakorla «C.A.R»  
Balikukalankaramogó Kulukoromara Mali**

## POYI : SENE

Jon ko senekela, i ko sëgen anî tooro.

A ! Ce, i ni muju, i ni sabali

Ee ! Hadamaden senekelaw bë fo :

kono ni waraw b'i tanu; u b'i barikada

Ee ! Ce, bore lankolon te jo sa !

Sené, sene, sene, e kera sabu numan ye !

Pieri Tarawele Sangarebugu Bamako.

## Sebekoro mara donsow ka kan ka ke misali ye

Nbe foli bila ka taa Filadugu donsow bee ma; ka d'a kan u ye lafiya min lase jamana mogow ma, o te se ka fo ka s'a dan na. Sanni donsow k'u ka ton in sigi senkan, misi tun be soje yan cogo min na, a tun be soje o cogo la; nobocogo te sor'a caman na. Nka kabini anw ka donsowarabaw y'u sigi ka miiri, ka taasi, k'a don ko waleya min ye nin ye, ni feere ma nin'a la, a te ben, u wulila k'u jo, ka wele bila nogon ma, ka je ka ton sigi sojeliko kama, a be se ka dabila cogo min na.

N'o te, mogow segenna; mogow toorola, sanko cikelaw. Cikela be samiye bee ke manumanko la, ka bagannin kelen min san ka bila jigi ye, sonw ben'o ta don kelen, ka taa n'o ye, ka bagantigi bila manumanko la tugun. O ye ko ye min ka gelen kosebe.

Ala barika la, nogoya donna o la, anw ka mara kono bi, n'o ye Sebekoro mara ye, bawo mogo o mogo, n'i ka misi tununna, walima bagan suguya were, i b'a ci lase donsow ma o waati la. Hali n'a y'a soro son ye sojeni ke, ka si ka boli, u b'i ninjini cogo bee la fo k'i mine. O tuma, sariya min sigira u ka ton fe, o be bol'i kan.

I ye sojeni ke cogo o cogo, i kera son suguya o suguya ye, i te danke; u b'i mine; saraka t'a la; bawo anw ka donsow te taam'u kunfe. Ni mint'e subaga ye, i b'a soro ye soma ye, walima jinetigi. Okama tinekela te dank'u koro.


Otemenenko, minye misiw ka forotijesko ye, u wulila k'u jo k'o fana kelle cogo di? Ni mogo min ka foro tineni, i b'a d'i ka dugu donsow tulo kan; olu be ci lase donso tow ma. Hali n'a y'a soro misitigi sira ka boli n'a ka misiw ye, u be wuli k'a ninjini fo k'a ye. N'u y'a mine, u be taa n'a ye forotigi ka dugu la; u be je ka kuma tineni cogoya kan; misitigi ka kan ka min sara, o be bin o kan.

Anw ka donsow te baga mogo ma k'i kelle; u te surofen mine mogo la k'i dem'i kunko la; u be baara k'u ni Ala ce la, bawo u b'u yere don, wa u b'u faso fe. Okama, an be dugawu k'u ye su ani tile. Ni kuma diyara n da n b'a fo ko donsow be baara min na kanako nasira la, faamaw t'o nogon na, bawofaamaw be baara ke yuruguyurugu de kono. O tuma, ne b'a ninjini jamana nemogow fe, u k'a laje ka donson kunko

naboyero dayele kominiw bee kono. N'ka nini Mali donsow fe, u bee ka wuli k'u jo, k'u bolo di nogon ma, walasa jamana ka taa ne.

Karamoko Jakite  
Dayi Nafajikuru Kasaro mara.

## Hakili jagabo baro



Mamadu Nuhun Tarawele waraba be kasi yen; n'u y'u kunsin fan were fe, waraba be kasi yen. Ala nan'u kunsin jiriba kelen ma; waraba ma kasi o yoro la. Jiriba in tun ye bunbun ye.

Tuma min na u sera jiriba in ma, u y'u da jiri in jukoro, ko Ala mana min ke. Jaa jiba be bunbun wo la, sanfe; kaana fana b'o. ji la. Waati kera, kaana y'a kujima seri ka ji ke ce saba ninnu dalen kan, fo sine saba. U ko jaa ji be yan! U bee la dogonin yelenna k'a laje; o y'a kanto tow ma ko jiba be yen, kaana b'a la fana. A ko ka foroko d'a ma, a ka ji do soli.

Dogonin ye foroko fa ji la, k'o di koro ma; u bee y'u min. Tuma min u fara, u bee la koro ko, ale si o si, o kana waraba dun, sabu waraba kera sababu ye ka ji las'u ma. Min dalen don o kan, o ko, ale si o si, o kana kaana dun, sabu kaana kera sababu ye, u ka ji ye. U bee la dogonin fana nan'a kanto, ko ale si o si, o kana bunbun dun, sabu ko ni kunbun tun te, kaana tun se yen.

Tana nacogo file nin ye ko ninnu saba la. Jumenta ye tine ye? Ne yere ye sinafode ye. Anw benbaw bora Sikaso ka na sigi Nsanakan fe. An ka sigiyero folo ye Dugufolon ye; filanan ye Farabugu ye; sabanan ye. Koyo ye. Sikaso tun ye muso do sigiyero ye. Tuma min na a ce ntanya la, a taar'a balimaw seger. A ma son a n'olu ka to nogon kan; a n'a denw taara so do jo ka sigi yen. A ka baara ye tun dolodon ye. Taalen nef, mogo werew nana far'u kan. Ni mogo min be taa yen, o b'a fo n be taa Sika ka so, sabu muso in togo tun ye Sika. Dugu nana bonya, fo ka na dugu togo ke Sikaso ye.

Mamadu Nuhun Tarawele  
Hamudalayi Bamako

## Jamana ka kan ka ladiyalifenw di balikukalankelaw na

Anw ye balikukan sanyelemaseli ke jumadon, setanburukalo tile 8, san 2000. Dugu minnu tun b'a kene kan, olu ye Lamine, Kondon, Konsofon, Kolimaana, Fugala, ani Denenba ye. Lenajew kera wasako ye. Kuma kelen be ne fe k'a da nemogow tulo kan a ko la. Lenaje minnu be ke, an b'a don ko fen te jamana bolo, dugu minnu be na lenajew la, olu yere de b'u ka balo bo, an'a nasongo. Ne ka jate la, nemogow be se k'a laje ka ladiyalifen dow di mogow ma, walasa ka balikukan nege du la ka t'a fe.

Bafa Konate  
Kunuku - Konsofon - Lamine

## Nansarakanmennaw be Mali ci

Mali ka kan ka baara ni fakanw ye, sabu k'an tow alikan bolo ansagote ke jamana kono. E yere k'a laje; minnu ye tubabukan ke, olu be k'u diyanyekow bee ke faso nafofo Ta. Kuntin sen te jamana in koketa la. Tubabukanmennaw laban be Mali ci, ka da mun kan? Min mana bila yoro min na, o ko ne ka jufa; a te fo ko jamana ka kesu cogo si la. Jamana si te taa ne n'a fakanw ma sabati. N'o ma ke, i temena yoro min kan, i be segin o ma.

Nofan Jara Bijnan - Banan

## «Fobiye» dilanna dow minena Kafila

Minnu ka baara ye mogow nanbarali ye, k'u ka wari juguw falen walita numanw na, n'u be wele ko «fobiyedilannaw», olu ce saba minena Kafila dugu kono, Banko komini na. U minena setanburukalo tile 22, san 2000.

Mumuni Sangare N°1  
Bawufulala - Banko - Joyila.

## Baji kunnafoniw ka kan ka lase bosokan na

Folo-folo bajji kunnafoniw tun be fo juma o juma bosokan na. O dabilala. O dabilali ma diya Moti maradenw ye. Ni «poyi kan poyi» dabora senekelaw, monnikelaw ani baganmaralaw kama, mun na u be ban bajji kunnafoniw di tubabukan na, o te motikaw wasa abada. Anw fakan te!

Ali Katile Disibilen Animateri  
Gaja - Jeni mara.

## Bibi ka masaya taabolo

«Ne saamelen ni n wasalenba de ye nin jōnjōn in ta». Nin kera Bibata SISE ka kuma fōlō ye tuma min na a sugandira k'aké «CEDEAO» jamanaw ka npogotigi bëe lajelen na npogotigi numan ni npogotigi sarama ye. Sugandili in kera sibridon, ɔkutoburu tile 28, san 2000, Kotonu dugu kono, n'o ye Benen faaba ye. Gawokaw ka npogotigi bëlen ni «ORTM» arajomali ka npogotigi cēnuman sugandilen Bibata ta kera sannayelen telimanba ye. Bibata teriw b'a wele ko «Bibi». Nin kunkorota jōnjōn in be t'a bolo ka san kelen k'.

Nka nin koba in ma Bibi nin'a yere ko, k'a fil'a yere ma. Haminhank kelen min b'ala bi, n'a be si n'o ye, ka wuli n'a ye, o ye cemancelakoliso laban dipulomu soroli ye, «SBT», n'o ya nənəmaya konew kalanni ye. A hakili b'o dipulomu soroli la ninan. Nka sann'o don ka se, an be don minna i kobi, Bibata SISE, «Bibi» be k'a yere nini donbolow camanba bolo; donbolow be ka cun a kan, ka b'fan bëe lajelen na. Kōdiwarijamana sekow-ni dōnkow minisiriso ye sefawari miliyon kelen d'a ma; farafinna tilebinyanfan sorokow tōnba «CEDEAO» ye sanumasiriw d'a ma, minnu be ben



Bibata SISE, «Bibi»

«kaara» 21 ma; ani «iniwakisi» taafe 10, ani telewison «antenni» belebele, n'a be wele nansarakan na ko «antenni» paraboliki, n'o be jamana caman soro ka fara Mali kan, n'a sanwari be se sefawari baa keme duuru ma; ka fara awiyon biye caman kan, minnu si ni si te kelen ye, ani musoya sabatilifen caman werew. Ajirala

far, ko «CEDEAO» konew waleyajekulu mana tonsig: o tonsigi laben, Bibata yamaruyaen don ka y'o kene kan.

Ni dipulomu in sorola, «cencenku masamus» Bibata SISE b'a fe ka ke «manekén» ye, n'o ye musow ka finikalasuguyaw donniy'akanna, walasa k'u sankorota dije fan tan ni naani na. Bees b'a don ko nin baara in n'a ka kalanketa te sira kelenw na; nk'a yere y'a jira k'a be dipulomu kelenw na; nk'a yere y'a jira k'a be dipulomu in jini k'a soro, walasa bees k'a don k'a dönniya b'a la. O la, sugandili in mana da o da yelen a ye, n'a ka here b'o la, a be don o dafé.

Tuma min na Bibata SISE nana ka bo Kotonu, a bisimilala arajomali «ORTM» nəmogo n'a baarakənəgənw fe ani kunnafonikow minisiri Madamu Asikofare Ulematu Tanbura ani jamananəmogo muso Adamu Ba Konare. «ORTM» baarakelaw ka ton fana labanna k'a bisimila loteli «Dafinna» na, k'a bonja, k'a karama.

Loteli «Dafinna» bisimilali senfe minisiri nəmogo ka mogo min tun be kene kan, Mamadu Fane y'a jira ko Bibata SISE, «Bibi» ka nin sugandili be jamanaw ka kalañogonna konew sabati ka t'a fe, sabu, a sugandira ka soro «CEDEAO» nəmogoya b'an ka jamana bolo.

Yusufu Dunbiya  
Badama Dukure

## Tulogerew ka «JIGIYA KALANSO» be k'a jecor fa

Ajirala mogofaamuyalenw fe ko tulogerew be se ka kalan, ka dönniya suguya bëe dō soro, i'n'a fo hadamaden tōw. O tuma, an man kan k'u ke bolokofemogow ye, nafa ni donda te minnu na.

Tulogerew ka lakoliso kuntigi Musa SANOGO ye nin kuma fōdon min na, a y'a dabo a kama ka mogow bëe lajelen hakili sama k'a nəsin ljuratō ninnu ladamuni n'u ka kalankow ma. Taalen nəfe a ko tulogerew ni ljuratō finetōtōw bëe bëseka bila minen kelen kono kalanko kadara kono.

Nin korofo nafama dara jama tulo kan, tulogerew ka kalanyorō min tōgo ko «JIGIYA KALANSO», o koronbonkarili kene kan, Mali peresidan furumuso Adamu BA KONARE ka nəmogoya kono. Kalanso in denbañuman Adamu BA KONARE tun bilasirabagaw ye, denmisew ni farikoloñenajekow minisiri Adama KONE ni muso ni den ni denbaya

ka yiriwali minisiri Madamu JARA Afusat CERO ye ka fara hadamadenya jiidili ni bolodijngonma ni mogokorobaw topotoli minisiri Madamu JAKITE Fatumata NJAYI ni kenyə sabatili walew minisiri Madamu TARAWELE Fatumata NAFO kan, ani jamana mogoba werew ni dunanbaw.

«JIGIYA KALANSO» ye lakoliso filanan ye, min jora Bako Jikoroni kin na san 1994, sokurusiken kinta kofe. Adayelela ni kalanden 30 ye ani karamogo 5. Ninnan san 2000, kilasi (kalanso) 6 labenna lakoliden 69 kama, npogotigi 16 be miñnu cema.

An b'aw ladonniya ko denmarayorō dō fana be «JIGIYA» KALANSO» kono. Karamogo 10 nəgonna de be k'u jant'o denmisew na, tulogerew fila be minnu cema. Ala ni Kanada demeké jekulu «CECI» barika, «JIGIYA KALANSO» jora ni sefawari miliyon 100 ye.

Mali tulogerew ka kelenya tōnba kintigi Yaya BAGAYOGO y'a jira ko halisa kalanso in baara ma lase, bawo ji ni kurān t'a kono.

«JIGIYA KALANSO» denbañuman Madamu Adamu BA KONARE ye foli ni tanuni lase mogow ma, minnu ye nin hakili numan soro ka nəsin tulogerew ka bonogola ma.

A y'a jira tugun ko deme man kan ka kōtige hadamaden finetōw la. Adama BA y'u somogow laadi, u ka do fara u ka cesiri kan u den ninnu ladamuni n'u kalanni na. Koronbonkari tulon in lañagabagaw tun ye Mañanbugu kōtēbōlaw ka jekulu ye ani yeelen dugalen don ka bo an balima minnu nə kan, n'o ye «UMAWU» ye, olu ka nansarafolikew ka fara «JIGIYA KALANSO» denmisew yere kan minnu m'u to to u tōgola gintan in na.

Bande Musa SISOKO  
Basiriki TURE

## Sogolibijne masibaw

Kabini lawale la, dögötörya taabolo file : «Fölfölo, töör kana se ni ma». O körö ye ko bana furakécogo man kan ka banabaato ni töör ka teme bana yere kan. Kabini lawale la, f'an be don min i ko bi, o wale in ye wulibali ye. Nka, Ala ka sababu juman k'an ye ! Furakelaw be to ka ninen nin yoröñin kō, tuma min na n'u be «pikiri», sogoli seben banabaato kun, a kera jolisira ta ye walima fasaw ni njogon ce, a ka dan wolo la walima a ka teme wolo kan ka se fo bu ma.

Sogoli miliyari 10 minnu be ke san o san dije fan tan ni naani na, ni y'a kemesarada, i b'a soro 50 keli kun te; sentanjamanaw la, kemesarada la pikiri kuntan be se 90 ma; o kofe, kemesarada la, 30 be se ka bana lase banabaatow ma.

Sogoli be se ka bana jumew lase mögo ma ?

- Biñedimi suguya min be wele ko «epatiti B» sogoli b'o bana bila hadamaden miliyon 8 na dije kono, fo ka taa se miliyon 16 la, san o san.

- Ani biñedimi min be wele ko «epatiti C», n'o be se banabaato miliyon 2 ma, ka t'a bila miliyon 4 na san o san.

- Sida banakis fana be soro sogolibijne fe; nk'o man teli w'a man ca; o banabaato hake be se 200.000 ma san kono. Ni sidato ka ca yorö min na, bije ka teli ka sida yelema mögo were fe, o yorö la.

- Fariganjugu minnu be wele ko «Ebola» ni «Lasa» n'u be fariganbaato kono boli k'a foñon, k'a joli be se lajelen saman o cogoya la, fo ka t'a faga. A sabatira k'o banabaato kisita ka dögön kosebe.

- Sogoli be sumaya fana lase mögo ma, ani bana min be mögo ja yoröñin kelen n'u k'a ma ko «tetanosi», ani bana suguya caman werew, minnu fanga ka dögö ka teme köfölen ninnu ta kan. A jirala ko san o san sogoli be hadamaden miliyon kelen faga, sogoli min keli ye farati ye kabin'a koyöro la. A fanba ye banabaato körö ye; nka pikiri ye bana lase minnu ma, olu fana be mögo sata ninnu na.

Mun be mögöw bila ni sogoliw keli la, farati be minnu na ?

Akun föloye min ye, banabaatocaman b'a jini dögötörya ka pikiri seben u kun, k'o ka teli ka mögo keneya.

Ni dun y'a laje fana, fura caman be ye, minnu ka kan ka ke sogoli sira fe. I b'a soro bana döw be yen, minnu furaw te soro furakisëkunda, walima a furakisë te mago bëre ne. Dögötörya döw yere be siga ko n'u ye furakisë seben baanabaato döw kun, ut'uta tacogo la so.


Kun werew b'a la dögötörya te son ka minnu fo, o y'u ka soro min be pikiri keli la. Nka nin be se la, nininkali kolomayöro file :

Kelikun be pikiri ninnu na wa ? Dögötörya yere sira jenama fe, yala a be ben banabaato sigiyöröma saba (1/3) kelen ka furake ni pikiri ye sentanjamana kono wa ? (Kemesarada la Azi jamanaw ta ye 80 ye).

Fura minnu be seben, olu ye «antibiyotigiw» ni «vitaminiw» ni farigan furaw, i n'a fo «asipirini» n'u njogonnaw, ani «niwakini». Tije yere la, furakisëw ni furakelicogo werew be se ka bila sogoliw nona.

Tije don, siga kelen t'a la k'a fo ko bana döw be yen minnu ka kan ka fura ke sogoli sira fe. Ola mun ka kan ka ke walasa ka pikiti basi nagasi ?

An be don min na, i ko bi, sentanjamanaw kono, cogoya min b'a la, o ye ka pikiribijne labennew ke ka sogoliw ke, ka tila k'u fili o yoröñin be se



Dögötöry Edimón Berinari

la. Bije kelen te ke ka sogoli ke siñe fila. Nk'o fana te sabati dögötörya ka basigin'u ka nemajoli ko, ka bije köröw be se bila minenw kono, min ka kan k'akerekere, k'a kólosi, k'a be se jeni. N'oma ke, döwbësek'uta, k'ulasagon, ka sogoli ke n'u ye, walima k'u feere. Ka soro funteni suguya do be yen, o man kan ka se bije kerenkerennen mu. Yorödöw la, bije suguyaw be yen, i mana pikiri ke n'u ye, u be sin ka kari u yere ma ten. Tije don, o wari ka ca; nka pikiri be bana min bila mögo la, o furawwari ka ca ni pikiribijne in wariye.

**Dögötöry Edimón Berinari  
Badama Dukure**

## DUMUNIW LATCÖMLI BE FURUDIMI BALI

Furudimi ye bana ye min ka ca Mali kono kosebe. Dimi don furu la, min be soro banakisëw ni ntumuñ n'u njogonnaw fe. Kumumafenw caman dunnı ani aliköli caman minni ani te caman minni ni kafe, ka fara woro caman nimini kan, minnu be se furudimi wele. Bana in damine be disikönöna sogosogo, f'a be k'a tigikono ko sonkundimi don. Jikumu do be to ka na da kono.

A be na ni fasadimi ni jatige, ni sunogobaliya ye. Konoja fana b'a nofe, ka n'o laban wolo kono dimijugu la.

Furudimi be se ka lakodön ni dögötörya ka masinw ye; a ka ca kosebe mögököröba kunda, ka teme denmisén kunda kan. N'i ye dögötörya ka mögo lajetaw keme-keme sigi, i b'a soro 11

ye furudimitow ye, i n'a fo Haruna Sisoko y'a jira cogo min na. Ale ye dögötörya ye lopitali Gabiriyeli Ture la. Ni furudimi ma kunben joona, a laban be joli tige furu ni nugu la. Yerefurakeli fana y'a dama gasi ye hadamaden farikolo ma.

Fura döw be yen, minnu ka jugu furu ma kosebe. Ni mögo min sòmina, i be se dögötörya ma, walima farafinfurakelaw. A sabatira ko bana in farafinfura dumanw be soro.

Walasa k'i yere tanga furudimi ma, be se ka kan k'i jantö dumuni keta la ka do bo kumumafenw dunnı na, ani dumuni minnu yelema man di. Sun ni furudimi te taa njogonfe.

**B. Dunbiya  
Badama Dukure**

## Tilema nata kuranko bë son ka gelya!

A jirala ko bamakokaw tēna Manantali kuran soro awirilikalo nata in na, i n'a f'a tun bolodara cogo min na. Kon i kow sera ka koron, ka teliya, bamakokaw ka kank'u jigi da Manantali kuran kan fo utikalo nata in na, san 2001. Nin kunnafoñi dira dogokun temen in na Manantali kurankow jenabò ciyakeda «SOGEM» jemogó Musutafa Ulidi Abudarahamani fe. A kera dugujukoro fenkow, kurankow ani jikow minisiri Abubakari KULUBALI ka taama senfe Manantali babili yoro la. Musutafa ka fo la, baaraw lasumayali nin cogo la ka se fo kalo naani ma, o bora «Esipajoliw» ka ciyakejekulu «NECSO» ka waati bolodalenw labatobaliya de la. Nka Ulidi Abudarahamani labanna k'a jira ko Manantali kuranko sifileli be damine zuwenkalo la, san 2001, n'o ye nansarakan na «esew» ni «tesitiw» ye. Ka kuranko bila jamana ka bolo kan ka waati ke, o be damine utikalo dogokun folow la, san 2001. An be don min na i ko bi «tiribini» baaraw bee lajelen hanna. Kurankow ni negekow nedc wagaw «enzeniyeriw» de ka baara wu don nin waati la.

Baaraw lasumayali ye minisiri Abubakari fari faga kosebe. A y'a jira k'a taakun te doweré ye Manantali, fo kalo naani ninnu ka moson ka baaraw lateliya dɔɔnin. O kadara kono, minisiri gerela Manantali ciyakejekulu dɔɔ la, ja nin'u fe, u ka demecogo jini «esipajoliw» ka ciyakeda in na, n'o ye «NECSO» ye. O kofe, a y'a jini ciyakedaw jemogow fe, u k'u jija san labanto segennafijebowaatiw ka na ke fiñe ye baarada in na, hali n'o y'a soro baaraden dɔɔ be ta kerenkerennenya la, k'o waati kofolenw latem; ani ka jemogó dɔɔ ta ka fara jemogó kɔrow kan, walasa k'u ka baara nɔgɔy'u bolo.

Musutafa Ulidi Abudarahamani y'a jira ko minisiri ka kumaw y'ale sewa kosebe; a ko hali ni cogoya be se ka ke ciyakeda ninnu ye «SOGEM» fe, walasa kalo naani in ka koron, ka Manantali kuran laseli lateliya Bamako kono, k'o be ben ale ma. Ji ni kuran ciyakeda «enerizi» jemogó Amadu Tanja fana tun be kene kan. Ale jorela kosebe; hali n'o y'a soro nin lasumayali kɔrofow tun man kan ka bal'ale la, k'a sababu ke ale-tun delila tuma bee waatiw terun-terunni ka taa nefe. Sanga ni waati bee a be f'a ye kokuran be soro nin waati in na; o waati laban be ce ka doweré boloda. Nka «enerizi» jemogó Amadu Tanja ka jore n'a ka hami yoro be yen.

Sabu, sarati in dafabaliya bɔn'ale n'a ka baarakelaw sègen koşebé; n'a fôra k'olu ka gurupuw k'u jo ni Bamako ye ka sora ma ke ni «kuran-ka-sosi» banbaliw ye, o ye baara daboto de ye sa ! Kalo o kalo «enerizi» be wajibiya ka sefawari miliyari fila bɔ, walasa k'a ka gurupuw lataama. O kalo naani musakaw be t'u jo fo sefawari miliyari 9 na. Wariko bolen koyen, Amadu

Tanja t'a dɔn a be se ka labenw sabati cogo min na ka tilema kuranko bɔ a sira fe. Dabalibankoba ! Siga koni t'a la k'a fo koni kalonaani ma se ka moson Manantali baarakelaw fe, in'a fo minisiri y'a jini cogo min na, tilema in kuranko na ke katabanaani ye !

Gameri A. Diko  
Badama Dukure

## Yelema ka kan ka don denbaya sariyako la

An be don min na i ko bi, fangaso haminankoba do ye sariyaseben kura labenni ye-denbaya kow kow kan.

Muso ni den ni denbaya ka yiriwali ni jetaa minisiriso ye tile kelen hakilijanabo ke haminankoba in kan, Awa KEYITA togola soba la ni kunnafonidilaw ye. Kunben in kera sababu ye Mali kunnafonidilaw bee lajelen ka faamuya ni dɔnniyaba soro Mali musow ka jekuluba min tɔgo ko «KAFO», o ka jininiw kan kabini san 1996 yelema nafamaw donni na denbaya sariyako la.

«KAFO» ye laje filia bee ke Selenge janiya talen in kan. San 1998, setamburukalo, ubenna fen min kan, u y'o jaabiw di muso ni den ni denbaya ka yiriwali ni jetaa minisiriso ma, a k'a ke baarakemin en ye. Seben min labenna yelema donni na denbaya sariyako kadara kono, sigikafu bena k'o kan Mali seleke naani maraw jemogosigiyorow bee la ani Bamako kafo kono, k'a damine san 2000, okutoburukalo tile 10 na, ka t'a bila nowanburukalo tile 10 na. Bamako kafo kumajogonyaw yere kera k'a ban.

Kumajogonya in labenni kalifalen don jekulu min na, o ye mogó 9 ye, minnu kuntigi ye Mali silame jekuluba «AMUPI» jemogó Elaji Sidi KONATE ye.

Feeere tigelen in gelya de y'a to wele bilala kunnafonidilaw ma, minnu dɔnnen don n'u ka wale lanagali kojuman ni kow dansigili ye, k'u bo nɔgɔn na kojuman. U y'a jini kunnafonidilaw fe, u ka ye sariyaseben kura in labenni wale bee kene kan, walasa ka jamanadenw bee bo kunpan na, k'u kunnafoñi denbaya sariyako kan.

Mogó faamuyalen minnu ye kuma ta nɔgɔnye kene kan, olu bee y'a jira ko sariyaseben min labenna kabini san 1960, n'o de be ka labato halisa an ka jamana kono, ko fiñe caman b'o la, i n'a fo furusiri

sariyaw faamuyacogow gelyaw. A kɔlosira komogocamanka faamuyacogow te kelen ye furuko la. Min ye tine tilaliko fana ye, n'a fôra ko tine ka tila fure dɔrɔn ka laadala siraw kan, o ye fen ye, min be seka na n'a danma gelyawye. Ogelyaw fanba be bɔ kiiritigelaw demebagaw yere de la, minnu te se ka tine fo tuma bee an ka laadala siraw kan, wa u ka fotaw bee kodonnen don nɔgɔn na fana. Okɔroye ko halisa an ma ben an ka laadalakow la, minnu ka ca ni ba n'a siwye, n'u sit kelen ye.

barosene, kuma bora san 1962 furuseben nangili sariyaw kan, minnu ma dafa, u ma tilen. A jiralen don o kono ko ni mamine bɔrɔtora, maminemuso dɔrɔn de ka kan ka nangi, bawo a te se ka furu ce were ma fo n'a ye ce folo ka nafolo bolen lasegin a ma. A kɔlosira fana ko ce caman b'u ka musokelenfur sariya wuli furu kono, "nu b'a fe ka muso were ta. Kiiritigela do, n'o ye Nuhun TAPILI ye, o y'a jira ko gelya were be yen, n'o ye den bangebagako ye, den min ma soro furu kono, n'a fa lakodonnen te.

Hakilifalen kadara kono, kunnafonidilaw ye jininkaliw ke tinetamusow denw ka sariyako kan anifurusi hake, musomanniw san 15 ani cemanniw 18 ka fara furuce ni furumuso ka damakejenei kan. Kunnafonidilaw y'u hakilinaw jira silamefurusiri lakodonni kan sariya fe.

Sann'u k'u kodon nɔgɔn na, tonsigi labenbagawy'a jira kunnafonidilaw la, ko ni Ala sonna, fen o fen mana bo kumajogonya bolodalenw na jamana fan tan ni naani na, o kise na k'u tege kono. Uk'u sago ye nin wale bee ka se ka kuncé ni benkaseben nafamaw ye denbaya sariyako la, min bena jira Mali depitesoba la.

Bande Musa SISOKO  
Basiriki TURE

## Mande SIDIBE ko : «Wulituma ka fisa, n sen ka di ye»

Hakilijigin siratige la, san 2000 okutoburukalo kibaru kono, Mali goferenaman kuntigi Mande SIDIBE wulila ka taama minnu ke, walasa ka t'a nedas 2002 KUPUDAFIRIKI laben baara tiimelenw kan Segu ni Sikasoni. Kayi duguw kono, farafinna farikolojenaje tulonba ingintanw bena ke yoro minnu na.

A jirala kibaru kanubagaw n'a lafasabagaw bee la ko Mali minisiriw ka jekulu nemogo Mande SIDIBE ko : «Wulituma ka fisa, n sen ka di ye».

O segesegeli kelen kadara kono, san 2002 KUPUDAFIRIKI baara minnu kalifara Mali faaba la, n'o ye Bamako ye, san 2000, nowanburukalo tile 2, Mande SIDIBE taar'olu laje.

A y'a ka taama damine Kabala dugu la, Samatasegew dagayorobe ka laben yoro min na, walasa u ka se ka Mali kunnawolo san 2002 «KANI» kene kan.

Samatasegew ka farikolojenaje yoro min dilanna Kabala n'a baaraw bera kunc san 2001 na, sefawari miliyari kelen ni ko de donn'o dafe. Sisow labenna, kali 33 bil'u kono an ka funankeninw ni lafiyali koso. Sennabalontan ni bololantolatanw ni nonijinon ni dognosorow ni ni daamuyorow wew jora ka fara samatasegew sisow kan.

A selen Senu awiyonjiginkene kan, a yere ye baara kologirinw ye senna yen, minnu dabora kene in bonyali n'a lafereli kama, walasa pankurun caman, a mana ke suguya o suguya ye, olu ka se ka jigin Senu pankurunjiginyoro la Afiriki gintanbaw waati.

Mande SIDIBE ka taama y'a lase o kofe, farikolojenaje kan, min crachaloulo don Musa TARAWELE ka diyagoya fanga bindon na, n'o ye san

1991, marisikalo tile 26 ye. A nisondiyara k'a ye k'o baara tonin te fosiye, sefawari miliyari 16 donna min dafe. Filelikelaw mog 50.000 sigiyoro de labennen don keneba in kan. Farikolojenaje suguya wew keneba n'u kalansow ni sisow bee jora k'a ban Yirimajo ntolatankeneba in kan, min be wele ko marisikalo tile 26 farikolojenaje yoro.

An b'aw ladonna ko mog 300 de be k'u seko damajira ke ntolatankene in baara la su ni tile, wa tuma dow la degun b'u kan fana, min t'u galabu kari, i n'a fo saraw dogoyali ni fen misennin wew. Akolsira ko Yirimajo dugumog dow ma wuli halisa ka b'u sigiyoro la, min ka kanka laben mobili joyoroko sira kan. O ye sumayayoroni y'a baara la, min ka kan ka laje konuman.

Bamako komini woorenan méri k'olu labennen don farikolojenaje yoro in lakoori la ni feneereyoro ye, dunanw

ni daamuboli kama.

Bamako dugu yere kono, farikolojenaje yoro koro fila bera lakuraya k'u ke degeli ni fasabogennna keneba ye, n'o ye Mamadu KONATE ni Modibo KEYITA togola farikolojenaje yoro ye. Mande SIDIBE ya kandi «KOKANI» wogomew ma, k'a ben'u deme baara towka se ka lateliya ka ben ni Afiriki ntolatanko jekulu «KAFU» ka waati bolodalen ye. «KOKANI» peresidan ye jama ladonna ko «KAFU» ka segesegeli folo min tun bolodara nowanburukalo kono, k'o bora dogo koro, k'a bila san 2001, zanwiye kalo tile 15 folo la.

A jirala mogow la, ko peresidan Alifa Umaru KONARE ka nininkali do jaabi laban bera waleya san 2002 KUPUDAFIRIKI gondan duguw hake yele maliko la, k'a bo 5 la, k'a ke dugu 4 ye.

Basiriki TURE

### TULON

Nin desen fila dilanbaga y'a dab'a kama, ka fili 10 k'u la. A'y'olu nini.



numarfe. 10 - ja min be numarfe bolokala kan.  
seg k'nd. 8 - ja ds be murscr kan dugumayafan na. 9 - Kabakurni ds be dugukolo kan  
5 - Fesjenama ds be ka pan kinif. 6 - Segi Kalacogo kinif. 7 - Jiridene ds be  
1 - Muso nekise. 2 - Kaba bonbonski kinif. 3 - Jugu ds be murscr kan. 4 - Drabu kan.

JABBI

**Wale minnu be SEPI BILATERI dusukun na tuma bee**

Dijé seleke naani ntolatankow  
nénabójekulu peresidan kelen k'an ka  
jamana némogobaw n'a ntolatankow  
némogow nisondiya kosebe n'a galabu  
n'a ka farifoni, n'a ka tinejalanfo n'a ka  
kónonajeya ye, a boran fë yan alamisa  
sogoma, nowanburukalotile 23, san 2000  
k'a kunda Lagine kónakiri kan.

N'i y'a ka mögö yelenw jateminé i n'a fo peresidan Alifa Umaru Konare ni minisirijemögö Mande SIDIBE, ka fara Malifarkolojenaje tigilamögow kan, an'a ye koje minnu waleya taama in senfë, a bë se ka fo k'a ma mœen yan Mali la, nk'a nali nafaw te se ka fo ka ban.

Jamana fen o fen be «FIFA» la, n'o ye  
dine lamini ntolatankow nənabotənba ye,



Sepi BILATERI ani ministirine mögo Mande SIDIBE jera ka Mali  
ntolatantonba dagayorç biriki föl da.

Bilatéri fe ka t'a ned'o jamana kelen-kelen bee ka ntolatanjekuluw kan u sigiyorowla, k'uka geleyaw bee sidon, ka soro k'o geleyaw nogoyali feerew siri, k'o far'a ka baaraketaw kan.

Wale min kéra ka nin naniya in sabati, o y'ani minisiri nemogo Mande SIDIBE jéra, ka Mali ntolatantonba dagayoró biriki fólo min da. «FIFA» be yoro in joli musaka bée lajelen bo, sira fe, a ye min ta ka sentanjamanaw ka ntolatantonw ségeré, k'u dème, Mali ntolatantonba ka yoro in be jo Hamudalayi kin na, kéné kan min ye «ACI» ta ye, n'o ye jamanadenw ka sigiyorow labenni ciyakeda ye, n'a lamini bonya be se mètèrekare 634 ma. A be jo k'a ke sankanso ye ka tonsigila kérénkérénnen ni nögonyekelaw bisimilayorow k'a la; ani biroba n'a ka bolofaramisenw ka birow. A jirala ko sefawari miliyon 278 ka kan ka don a dafé; wa a joli kuntaala téná téme kalo 6

kan

Bilateriy'a jira ko yoro intekerenkeren k'a ke ntlatannaw dorow ka yoro ye; k'a dabora farikolonenajela bee kama, ani hadamadenya sabatili baaraw.

Bilateri da ka se hadamadenya sabatili koñew ma, o man kan ka bala mögo la, sabu a ka lajini do y'o ye; ka se ka ntolatan koron k'a don hadamadenya sabatili walew la. A ka taama senfe, a ye kumä fën o fën fo, a y'a jir'o la k'a ben'a jiija ka cogoya bëe ke wälasa ntolatan ni hadamadenya sabatili walew bë se ka nogon ta. A y'a jira fana ko ntolatan ye ntolatannaw de fa fën ye; ko jamana nemögqw ta te; ko jaratiqebaqaw,

«aribitiriw» joyoroka bon ntolatan na kosebe. A y'a jira k'an be don min na i ko bi, «FIFA» be ka feerew siri ka ntolatannan denmisennw kolosi k'ulakana; osiratigela, a k'a nanssaraw ka ntolatanjekulu (l'UEFA) ka yetaw tekelenye, sabuolu be ka ntolatan ke wariko dörön de ye; u ka sira te

ntolatanna denmisénwka hadamadenya sabatili la. O kama Bilateri ko san kono ntolatanna labota man kan ka caya kelen ye; wa f'a k'a soro a fana a si fana sera san 18 ma. I n'a fo ntoalatannaw be boli min ke ntolatantən do la ka yelema do were la, n'a be f'a ma ko «taransiferi». O kofe ntolatantən «kilobu» min yedenmisén in lamo, k'a dege ntolatan na fo k'a se, n'a be b'o kilobu la, wari hake do ka kan ka sar'o kilobu ye k'o ka wo datugu.

Bilateriy'a kanuka siyawoloma fana k'eles ka bo ntolatan na. Ay'a jira k'ale te se k'a faamuya cogoya si la ko ntolatan selen be yoro min na bi, ntolatanna miliyon 200 ni ntolatan kanubaga miliyari kelen ka soro dije kono, ka tila k'a fo ko halibi siyawoloma ka k'entolatanyorowla, walew ni kumaw siratige la; a k'ale ma se k'o faamu abada, kowa, k'ale to balola, a be siyawoloma in kon k'a k'eles cogo ya bese lajelen na.

Min ye diñs lañmini ntolatan jønþønba, «KUPU DI MØNDI» ntolatanw labenni kalifali ye jamanaw la, a da ser'o fana ma, sanko o kojø min kera køsa in na, n'a tun bø jini ka farafinna ntolatan kanubagaw fari faga kosebø, k'u salaya ntolatanko yørø la; Bilatéri ko desanburukalo nata, san 2000, Øromu dugu kønø, Itali jámana kan, «FIFA» ka nogonye nata senfø, u bøna cogoya jini, «KUPU DI MØNDI» ntolatanw labenni latemeli la jamana kelen-kelen bøe ma diñs kønø.

I n'a fo a fôra dunanba minnu kô Mali la yann'olu dôye Bekennibowériye, Bilatéri ma dan soro Mali ka bisimilali cogoya juman na. A k'ale nimisara ka da ko kelen de kan : k'a sor'a ka baaraw ma caya tan, a tun ka na waati jan kë Mali, ka Mali diyabo kosebe. Sisan baaraw cayara; waatijan te se ka k'a fe yorosi. Ko Mali ko te b'a kono abada. O siratige la, a ye duganw kë K'Ala ka san 2002 ntolatanba konew sababti.

Hali n'a m'a fo k'a pereperelatigé ko «FIFA» bëna Mali dëmë «kANI 2002» baaraw la, a y'a jira ko Mali sen bë «Goli» ka jamana dëmetaw la. «Goli» ye dëmelibolo ye «FIFA» la min nesinnen ntolatan sankorotali ma senantan jamanaw la. Nka, taama in sen fë, a ye layiduta ko «KANI 2002» ntolatankadara kono «FIFA» bëna kalan kerenkerennen do laben ka nesin farikolojenajës lakañtajini tigilamögow ma.

## **Modibo Nama Tarawele Badama Dukure**

"AMAP" kuntigi  
Gawusu DARABO  
Mali kanw kunnafonisbebw  
baarada kuntigi  
Nanze Samake  
**Kibaru**

Kibaru  
BP : 24 Téléfoni: 21-21-04  
Kibaru Buguiyye Bozola  
Bamako -Mali  
Dilanbagaw ni sebenbagaw kuntigi  
Basiriki Ture  
Sebenbagaw kuntigi  
Badama Dukure  
Labugunyoro: Kibaru gafedilan baarada  
Boleñ Hake 16 000